



Kamis, 14 Juli 2022
Ogen: Esekiel 44: 10-14



Ukumen man kalak Lewi



Mungkin pernah sibegi lagu Rocker *juga manusia* si iendeken group band Serius. Janah rikutken ende-enden enda mbue ka terbegi adi kaum rohaniawan pe ngatakensa ia pe manusia kang, si la terlepas arah salah ras lepak. Tapi si e terjeng nutup-nutupi kesalahen ras erban pembelaan diri ngenca. Sebab bagi teksta sendah maka kalak Lewi si nggo iserapken Dibata guna jadi si erdahin i bas dahin-dahin i Rumah Pertoton la terlepas arah ukumen Dibata adi nggo ngelakoken salah ras lepak. Kai kesalahen kalak Lewi? Ibabaina bangsa Israel i bas lakon persembahen man berhala-berhala piahna bangsa e nggo erdosa. Piahna ia lanai jadi sierdahin i bas Rumah Pertoton tapi terjeng jadi sierjaga kerabangen. Dibata langsung si ertindak guna ngukum kalak Lewi si nggo nadingken Dibata janahna nambah man berhala-berhala. Uga adi sekalak rohaniawan bage? Adi ia ersalah tentu labo langsung Tuhan turun tangan ngukumsa saja ngenca lit aturen gereja si arus idalanken gelah ula jadi batu antuken. Dingen adi la robah-robah, maka ipedarat arah komunitas rohaniawan nari janah gelarna selaku rohaniawan icabut, misalna Pandita ntah Pertua ras Diaken. Selaku kalak si nggo erpengue kerna pendilo Dibata tentu la banci lang arus njaga kemulian Dibata arah dirina selaku sierdahin Tuhan ningen e. Ula erkiteken ulah sierdahin e, curna gelar Tuhan piahna perpulungen pe lanai tek. La ngena ate Tuhan adi sierdahinna ncedai kemulianNa. I bas kegeluhen gereja, peran kaum lewi ibaba para rohaniawan selaku pemimpin rohani paksa gundari. E maka la banci lang para rohaniawan arus tetap metenget dingen jagai pengajaren e gelah sue kebenaran Tuhan. Ba gepe para rohaniawan arus tetap mengembangkan kualitas pengajaren ras pelayanan guna keperluan perpulungenna. i bas sisi sideban, perpulungen banci ncidahkan dukungan man kaum rohaniawan alu notoken ia ras patuh i bas si benar e. Sekalak penginjil terkenal Amerika, Billy Graham pernah isungkun wartawan kerna kai si jadi kebiarenna selaku peginjil ras pengkhotbah. Maka ijababna,” Si jadi kebiarenku e me adi lanai lit kalak si notoken aku”.

*Tujuan tertinggi dari doa bukanlah mengubah keadaan saya, melainkan untuk
mengubah sikap saya.*

John L. Mason, Mustahil Menjadi Mungkin, 16